

● БӘРЕКЕЛДІ!

Оқушылар оза шапты

Гүлнұр СЕРІКЖАНҚЫЗЫ,
«Ortalyq Qazaqstan»

Биыл 9-шы рет өткізілген «Ақберен» республикалық өнер байқауы өз мәресіне жетті. 1800-ден астам білім алушы қатысқан байқауда 36 оқушы жүлделі орындарға ие болды. Жеміспаздар арасында қарағандылық оқушылар да бар.



Оқушылар шешендік өнер, эссе жазу, халық аспаптарында ойнау, өлең оқу номинациялары бойынша сынға түсті. Жас өрендер суырыпсалма ақын ретінде өнерлерін паш етті.

– «Ақберен» еліміздің ең шығармашыл, талантты балалардың басын қосатын маңызды шара. Қатысушылар саны жыл сайын артып келеді. 2021 жылы байқауға 94 оқушы қатысса, биыл 130 оқушы республикалық кезеңге өтті, – деді Оқу-ағарту бірінші вице-министрі Шолпан Қаринова.

Жүлдегерлер арасында «Шешендік өнер» номинациясы бойынша Қарағанды қаласы Абай атындағы мектеп-гимназиясының 9-сынып оқушысы Еркежан Қаныш II орынға ие болды.

– Байқауға екі ай бойы дайындалдық. Біз қатысқан номинация ең қиын болды деп айтуға болады, өйткені біз Майкы биден бастап, бүгінгі күнге дейін шешендік өнерді зерттедік, талдап-таразыладық. Тек шығармаларды жаттап қана қоймай, жүзден астам танымал би-шешендердің өмірі мен шығармашылығы туралы мағлұматпен тереңірек таныстық. Біздің номинация бойынша 20-ға жуық бала қатысып, солардың арасынан оқушы Еркежан Қаныш II орынға ие болды, – деді Абай атындағы мектеп-гимназиясының қазақ тілі мен әдебиеті пәні мұғалімі Жанкелді Кенжебайұлы.

Сондай-ақ, республикалық байқауда Қарағанды қаласының №61 жалпы білім беретін мектебінің 8-сынып оқушысы Нұрғасыр Изат «Көркемсөз» номинациясы бойынша III орын алды.

Құрметті оқырман!

ОБЛЫСТЫҚ
«ОРТАЛЫҚ ҚАЗАҚСТАН»
ГАЗЕТІНЕ 2023 ЖЫЛҒА
ЖАЗЫЛУ НАУҚАНЫ
ЖҮРІП ЖАТЫР

Газетке жазылуды «Қазпошта» АҚ пошта байланысының барлық бөлімшелерінде, Еркемов көшесі, 33-үй, 8-қабат мекенжайы бойынша редакцияда ресімдеуге болады

Санаттар	Жеткізусіз	«Қазпошта» АҚ Қала (теңге)	«Қазпошта» АҚ Аудан/ауыл (теңге)
Кәсіпорындар мен ұйымдар үшін		6 ай 5848,50 12 ай 11697,00	5919,00 11838,00
Жеке жазылушылар үшін	12 айға 4116	6 ай 3100,50 12 ай 6201,00	3111,00 6222,00

Санаты	Жеткізусіз	«Қазпошта» АҚ каталогымен қала бойынша	«Қазпошта» АҚ каталогымен аудан/ауыл
Кәсіпорындар мен ұйымдар үшін		10257,00	10470,00
Жеке жазылушылар үшін	3492	5577,00	5706,00

Анықтама телефоны:
8 771 528 86 46, 8 702 656 70 61
E-mail: otdel.pochtovyy@bk.ru

● МИНИСТРДІҢ ЖҰМЫС САПАРЫ

Үлкен жүрек – Үкіметтік емес ұйымдарда



Азаматтық институттардың қалыптасуында үкіметтік емес сектордың үлесі зор. Оны бүгін қоғам тұрмыс-тіршілігінде айқын сезініп келеді. Өйткені елімізде үкіметтік емес ұйымдарды мемлекеттік қолдау тұжырымдамасы бекітілгеннен бері бұл ұйымдар билік пен бұқара арасындағы дәнекерге айналған. Тәуелсіз жүріп, толағай жұмыс тындырды. Түрлі әлеуметтік топтың әр алуан мәселесін шешуде жұлдыздықтай жұмыла білген ұйымдардың ерен еңбегіне жалпақ жұрт қуа. Кеше Қарағандыға еліміздің түпкір-түпкірінде тең қоғам үшін тынымсыз еңбек еткен осынау ұйым өкілдері жиналды. Ұлы істерге ұйытқы болған оларға республикалық сыйлықақы табысталды. Атаулы шараға Ақпарат және қоғамдық даму министрі Дархан Қыдырәлі арнайы қатысты.

Қызғалдақ АСҚАРҚЫЗЫ,
«Ortalyq Qazaqstan»

Әлеуметтік бастамашыларға сыйлық

Үкіметтік емес ұйымдарға сыйлықақы оларды ынталандыру үшін 2017 жылдан бастап беріліп келеді. Бұл сыйлық – аталған ұйымдардың әлеуметтік маңызды проблемаларды шешудегі қосқан үлесіне тарту. Биылғы байқауға 15 бағыт бойынша 213 үкіметтік емес ұйым қатысса, іріктеу кезеңіне оның 189-ы өткен екен. Кеше соның 54-і жеңімпаз танылды.

– Қасиетті Қарағанды өңірінде баршаңызбен диалдасып отырғаныма қуаныштымын. Мемлекет басшысы Қа-

рағанды облысына сапарында «Қарағанды – тек табиғи байлығымен ғана емес, тарихи, рухани-мәдени байлығымен де танылған» деген болатын. Шынында, алыптар мен арыстардың мекені Қарағанды жақсы істер мен игі бастамалардың басында тұрады. Бүгінгі өтіп жатқан шара сол игі дәстүрдің жалғасы іспеттес.

Әділетті Қазақстанның негізгі өзегі – азаматтық қоғам десек, үкіметтік емес ұйымдардың нәтижелі жобалары елдің дамуына серпін берері сөзсіз.

Өздеріңізге мәлім, Мемлекет басшысы Қасым-Жомарт Тоқаев Қазақстан халқына Жолдауында елдегі қоғамдық-саяси реформалардың жаңа бағытын жариялады. Оның ішінде азаматтық

қоғам институттарының рөлін нығайтуға да басымдық берілгені белгілі. Үкіметтік емес ұйым өкілдері халық пен билік арасындағы байланысты нығайтып, қоғамдық диалогтың қалыптасуына ықпал етеді. Сондықтан да, біздің негізгі мақсатымыздың бірі – олардың әлеуметтік бастамаларына қолдау көрсету, көтерілген мәселенің шешімін табуына жағдай жасау. Мемлекеттің азаматтық қоғам институтына қатысты тиімді жұмысының арқасында бүгінде үкіметтік емес ұйымдардың қатары 5 есеге артып, олардың саны 23 мыңға жетті. Соңғы 18 жылда әлеуметтік мемлекеттік тапсырыс көлемі аймақтарда 100 пайызға ұлғайды. Бұл әлеуметтік мәселелерді шешуде үкіметтік емес ұйымдардың белсенділігін көрсетеді, – деді Дархан Қуандықұлы.

Бұл марапатты бүгінге дейін 300-ге жуық ұйым иеленген екен. Биыл байқауға қатысқандарды сараптаған қазылар алқасы да жанарған. Сонымен, әлеуметтік бастамалар мен белсенділігі үшін еліміздің әр өңіріндегі үкіметтік емес ұйымның 54 өкілі жеңімпаз атанды.

Жеміспаздардың 21,8 пайызы – әлеуметтің осал топтарын қолдаудағы, 12,7 пайызы – білім, 10 пайызы – ақпарат, денешынықтыру, спорт саласындағы, 10,9 пайызы – халықты жұмыспен

қамтудағы, 9 пайызы – жастар саясаты мен балалар бастамаларын қолдау бағытындағы, 15 пайызы – ауылдық үкіметтік емес ұйымдар.

Жалпы, елдің бар өңірінде 52 азаматтық орталық жұмыс істейді. Ол орталықтар үшінші сектор әлеуетін арттырып, үкіметтік емес ұйымдарға бір терезе қағидаты бойынша әдістемелік қолдау көрсетуде. Осы шара аясында үкіметтік емес ұйымдардың жобалық портфелі 15 мыңға дейін өскен.

Сонымен бірге, Дархан Қыдырәлі министрлік тарапынан азаматтық сектормен жұмыс істеу, ҰЕҰ-мен жобалық ынтымақтастықты трансформациялау бойынша бірқатар бастамалар қолға алынғанын айтты.

«Үкіметтік емес ұйымдарды қаржылай қолдау тетіктерін жетілдіру бойынша заң қабылданды. Заң аясында қоғаммен жұмыс істейтін жаңа мемлекеттік қолдау тетігі – стратегиялық әріптестік енгізілді. Ауылдық жерлердегі азаматтық бастамаларды қолдау тетігі әзірленді. Гранттық қаржыландыру жүйесін ауылдық қоғамдық ұйымдардың сұранысына бейімдеп, жеңілдетілген режим ұсынылды. «Қоғамдық бақылау туралы» заң жобасы әзірленді», – деді Дархан Қуандықұлы.

➔ 2-бетте

● КОНФЕРЕНЦИЯ

Азаматтық институт әлеуметке тірек

Сағыныш ӘБІЛ,
«Ortalyq Qazaqstan»

Қарағанды қаласында «Қарағанды облысының азаматтық секторы – Қазақстанның даму жағдайында» атты облыстық үкіметтік емес ұйымдардың өңірлік конференциясы өтті.

Шараға облыс әкімінің орынбасары Ербол Әліқұлов, ҚР Ақпарат және қоғамдық даму министрлігі қоғам істері комитетінің төрағасы Мадияр Қожахмет, Қазақстанның Азаматтық Альянсының президенті Бану Нұрғазиева, «Қарағанды облысының Азаматтық Альянсы» заңды тұлғалар бірлестігінің президенті Дмитрий Полтаренко, сондай-ақ бірқатар мемлекеттік органның және аймақтағы үкіметтік емес ұйымдардың басшылары мен аудандардан өкілдері қатысты.



➔ 2-бетте

КОМИССИЯ ОТЫРЫСЫ

Қарағанды қартайып бара ма?



Қазіргі проблеманы жіпке тізе берсе жетіп артылады. Бесіктен белі шықпастан өзі бесік тербеткен балалар, бедеулік қамытын киген ерлер мен әйелдер салдарынан қартайып келе жатқан Қарағанды, мүгедек баласын аяққа тұрғызу үшін барымды саламын деп, өз-өзін жігерлендірген жалғызбасты аналар, отбасын сақтап қалу үшін «үйдегі тиранның» соққысына жылдар бойы төзіп, қайғысын жұтқандар... Осы жайттардың қай-қайсысында болсын жалғыз қалып, проблемаға қарсы тұрғанда «мен» деген мықтының өзі сынып кетері анық. Әлбетте, жауырды жаба тоқығанша, барды бар деп баттатып көрсетіп, өзекті тілде айта отырып, шешу жолдарын бірлесе тапқанда ғана, тығырықтан шыға аларымыз анық. Осы мақсатта Әйелдер істері және отбасылық-демографиялық саясат жөніндегі, Кәмелетке толмағандардың істері және олардың құқықтарын қорғау жөніндегі екі облыстық комиссияның кеңейтілген отырысы облыс әкімінің орынбасары Ербол Әліқұловтың қатысуымен өтті.

Салтанат ІЛИЯШ,
«Ortalyq Qazaqstan»

Облыстық денсаулық сақтау басқармасы басшысының орынбасары Бибігүл Төлегенованың айтуынша, 2021 жылы облыста кәмелетке толмаған 57 қыз бала жүктілікпен тіркелген. Өзі де әлі балалықтан арылмағандардың 45-і – сәбиін қалдыруға шешім қабылдаса, 12-сі жүктілігін үзген. Ал, биылғы 10 айдың көрсеткіші бұл саракылықтың сәл де болса азайғанын көрсетті. Мәселен, 52 жағдай тіркелді десек, оның 31-і – балаларын сақтап қалса, 9-ы – аборт жасатқан. Дегенмен, Бибігүл Райханқызы биыл жасөспірімдер жүктілігінің төмендеу үрдісі байқалғанын айтып отыр.

бірі – отбасын жоспарлау және кәмелетке толмағандар арасында ерте жүктіліктің алдын алу. Осы мақсатта облыста жастар денсаулық орталықтары жұмыс істейді, онда 10 жастан бастап консультациялық-профилактикалық іс-шаралар өткізіледі. Бұл орталықтарда түсік жасатудың алдын алу, контрацепция әдістері және жастардың репродуктивті денсаулығының басқа да мәселелері бойынша кеңес беріледі. Әлеуметтік осал топтағы әйелдер мен жасөспірімдерде жүктіліктің алдын алу үшін 2022 жылы 8 117 адам контрацепция түрлерімен қамтылды, – дейді Бибігүл Төлегенова.

Жасөспірімдер арасындағы көрсеткіш осындай болса, облыстағы 716 298 әйелдің 326 335-і ғана бала тууға қабілетті. Медициналық тексеруден өткен 301 116 қыз-келіншектің 17 пайызында түрлі гинекологиялық ақаулар, 12 пайызында жыныстық жолмен берілетін инфекциялар, ал қалған 36 пайызында басқа да патологиялар анықталған.

ЖАЗЫЛҒАН ЖАЙДЫҢ ЖАҒҒЫРЫҒЫ

Газетіміздің 29 қазан күнгі санында «Мектептегі мемлекеттік тіл: Мұғалімдер не дейді?» атты мақала жарияланған еді. Оны оқыған астаналық азамат Владислав Тен тіл үйрету жайлы ойын редакцияға жолдапты. Владислав Өзбекстанда туған кәріс азаматы. Осыдан біраз жыл бұрын өзгелерге үйретемін деген мақсатпен қазақ тілін үйренуді бастаған. Қазір өзі ашқан Тіл үйрету орталығының жұмысы қарқынды жүріп жатыр.

Өзім алты жыл бұрын қазақ тілін өзгелерге үйретемін деген мақсатпен үйреніп алдым. Сол кезде «Қазақстанда тұратын орыс тілділерге (олардың қазақтар да бар) қазақ тілін үйренудің несі қиын?» деген мәселе төңірегінде көп ойландым. Қазақ тілі түркі тілдерінің қышшақ тобына жатады, ал орыс тілі славян тобында. Бір-біріне ұқсамайды, сөз тәртібі мүлде басқаша. Сол себепті қазақ тілін үйренгенде ең маңызды сөз жаттау емес, грамматика. Мәселен, орыс тілінде қазақ тіліндегідей етістіктің түрі көп емес. Қазақ

тілін білмейтіндерге етістіктердің ерекшелігін дұрыстап түсіндірсе, қазақ тілін үйрену оңайырақ болады. Біздің елде адамдар қазақша түсінбеген соң, сөйлемейді, соның салдарынан тілдік орта қалыптаспайды. Неге ТМД-дағы кәрістер кәріше білмейді. Себебі, тілдік орта жоқ, орыс тілді қазақтарда да осы мәселе бар. Біз оларға тілді академиялық тұрғыдан түсіндіріп, көмектесуіміз керек.

Қазақ тілді ортаның қалыптасуына кедергі болатын тағы бір нәрсе, орысша сөйлейтін қазақтар «біз қазақпыз ғой, қазақша қатесіз сөйлеуіміз керек» деп өздеріне қатаң талап қояды. Ал, мен қате сөйлесем де, акцентпен сөйлесем де, қазақша сөйлей бердім, сол

себепті де үйреніп алдым. Біздің қоғам қазақша сөйлегісі келген әрбір адамға күлмей, кінәламай, қолдап, көмектесуі қажет.

Мәселен, мектептердің барлығында қазақ тілі секілді ағылшын тілі оқытылады, оның да нәтижесі аз. Бірақ, оқушылар ағылшынша жақсырақ біледі. Себебі, балалар ең көп көретін интернет тілі – ағылшынша. Ата-ана да баласымен өз ана тілінде сөйлеспейді, өйткені күні бойы жұмыста. Балаларымыз интернетте ұзақ отыратын болғасын, ағылшын мен орыс тіліне тез бейімделеді. Бара-бара ағылшынша, орысша сөйлегенге еті үйреніп, қазақ тілін қажет етпей кетеді. Балалардың жазығы жоқ, орта қай тілде сөйлесе сол тілді жақсы біліп шығады.

ҚАЙЫРЫМДЫЛЫҚ



Қарт ананың қарашаңырағы жөнделді

Биыл күз айында Балқаш қаласының тұрғыны, үш бала мен қарт ананың қамқоршысы «Коунрад» корпоративтік қорынан («Сары Казна» ЖШС және «Медная компания Коунрад» ЖШС құрған) көмек сұраған екен. Қор басшылығы ананың өз күшімен салған үйінің ішін абақтандыру туралы өтінішіне құлақ асып жөндеу жұмысын жүргізді.

Нұрдос КӘРІМ,
«Ortalyq Qazaqstan»

Қараша айының соңында үй иелері жөндеу жұмысы жасалған баспанаға кірді. Лондон қаласынан осы салтанатты іс-шараға арнайы келген «Коунрад» корпоративтік қорының президенті Ник Ширли қатысып, отбасыға бақыт пен байлық тілеп, жылы ошақтың символы ретінде жаңа асуы пешінің сыйға тартты.

Айта кетейік, жөндеу жұмысы барысында «Медная компания Коунрад» ЖШС құрылыс бригадасының қызметкерлері еденді бетонмен тегістеп және газоблоктардан ішкі қабырғаларды тұрғызған. Төбені оқшаулау және керу, электр қуатын жеткізу және монтаждау,

қасбеттерді, үй ішіндегі қабырғаларды сылау, шатырды сайдингпен қаптау, пластикалық терезелерді, ішкі және кіреберіс есіктерді орнату, сонымен қатар суық су құбырын, септикті, жылыту жүйесін, қазандықтары бар ванна болмесін орнату және көптеген басқа жөндеу жұмыстарын атқарған.

Жоба екі жарым ай ішінде жүзеге асырылып, құрылысшылар күн суытқанға дейін барлық жұмыстарды аяқтады. Бұл қайырымдылық көмекке барлығы 10 миллион теңгеден астам қаражат жұмсалды.

БАЛҚАШ

РЕСМИ

Ең төменгі зейнетақы – 53 мың теңге

Бірінғай жинақтаушы зейнетақы қоры (БЖЗҚ) зейнетақы жинағының 2023 жылға белгіленген ең төменгі жеткілікті шегі жас мөлшеріне байланысты 3-10 миллион теңге аралығында болады.

20 жастағы қазақстандықтар үшін бұл көрсеткіш 3 миллион 260 мың теңгені (2022 жылы – 3 миллион 140 мың теңге), 30 жастағы азаматтар үшін – 4 миллион 580 мың теңге (2022 жылы – 4 миллион 370 мың теңге) тең, ал 40 жастағы азаматтар үшін – 6 миллион 100 мың теңгені (2022 жылы – 5 миллион 790 мың теңге) құрайды.

2023 жылы ең төменгі жалақы көлемі 70 мың теңге болады. Ең төменгі зейнетақы мөлшері – 53 мың теңге шамасында. Мемлекеттік базалық зейнетақы төлемінің ең төменгі мөлшері – 24 341 теңге. Ең төменгі күнкөріс деңгейі – 40 567 теңгені құрайды.

Өз тілшімізден

Балабақшалардың барлығы қазақша болса...



Ал, мектепке келсек, мектепте қазақ тілін оқыту жүйесін өзгерту керек. Ең жақсысы Қазақстандағы балабақшаның барлығы қазақ тілінде болғаны жөн, тәрбиешілердің барлығына балалармен қазақша сөйлесу керек деп талап қою керек.

Бұл – менің жеке пікірім. Өрине, ол үшін тәрбиешілерді ынталандырып дұрыс болады.

Владислав ТЕН,
полиглот,
тіл үйрету орталығының жетекшісі

